

Təkəŋwanə ŋga ləkələkətə ŋga Yoohana

Wabənə agyanə Əndətə ca vii əpinə

¹ Waniinə ca naahə koonə agyanə Əndətə ca vii əpinə ka ənja. Ma ca, wabənə ŋga Əntaŋfə nə ci. Daga Əntaŋfə ma'ə matagamə duuniya nə ci. Kə fii inə wabənəkii, kə nee inə ka ci də giniinə, kə caamiinə tə ci də giniinə, ina tabətə tə ci də ciiniinə əsə. ² Ma əpiitə ci wabənəkii a vii, kə baarəgi Əntaŋfə keenə. Kə nee inə ka əpinəkii əsə, kə seedii inə, ina waaza koonə agyanəkii, waatoo, əpinə ŋga ca'ə ndəŋwə ndəŋwə. Daga ka 'watəginə nə tii ka ha rəŋwə da Dii, Əntaŋfə Dii a baarəgi keenə tə ci. * ³ Ma sətə nee inə, fii inə də limiinə əsə, ci ciina waaza koonə noonə əsə, koonə ləbə deenə, ədzəmaamə a ndzaanə ka hakii agi ləbəənə ləbiinə da Dəsənaamə da Uzənaakii Yeesu *Aləmasiihu. ⁴ Ma ciina naahə koonə wabətsa, kaama da moodasəkə ka shaŋə.

Ndzaanə agi macamə ha

⁵ Wiinə wabənə fii inə da ma *Uzənə ŋga Əntaŋfə, ənə ciina ba koonə oo'i, camə saakii nə Əntaŋfə, pooshi uushi təkunə təkunə ashikii taa gi'u.

1:1 1.1 2.13-14; Yooh. 1.1-2,14; 4.14; 6.35; 8.12; 11.25. * **1:2** 1.2 seedanə: Yooh. 15.27. **1:4** 1.4 Yooh. 15.11. **1:5** 1.5-7 Yooh. 8.12. **1:5** 1.5 1 Tim. 6.16.

⁶ Madfa kə bii amə oo'i, maləbəkii naamə da Əntanƣə, amma ama dzə aakəŋwa də ƣa slənə ŋga təkunə, ci nə kə ƣii amə ka majirakinə ətsə agi wabənə gaamə da slənə gaamə.

⁷ Amma, madfa agi ƣa slənə ŋga camənə naamə, makə sətə ƣii Əntanƣə agi camənə, də ha'ə ndzaanaamə maləbəkii, amə patə. Idənə ŋga Yeesu Uuzənaakii əsə a laabagi taamə agi patənə ŋga 'waslyakəənə gaamə.

⁸ Madfa kə bii amə, pooshi 'waslyakəənə ashaamə, kə ha'waamə də naamə na. Pooshi goonƣa ashaamə shaŋə əsə. ⁹ Madfa kə baabagyaamə 'waslyakəənə gaamə ka Əntanƣə, ka tifyaginə nə ci kaamə, ca laabagi taamə agi ghatə goonƣaanə gaamə patə. Acii, ma ca, sətə bii ci patə, ka mbu'utəginə nə ci, əndə goonƣa nə ci əsə. ¹⁰ Madfa kə bii amə, madamaamə 'waslyakəənə, ci nə kə zhi'wee amə ka Əntanƣə ka majiraka. Pooshi wabənaakii a ədzəmaamə əsə.

2

*Yeesu *Aləmasiihu nə Matsakə taamə*

¹ 'Ya'ə manjeevənaakya, ma cii kya naahə koonə wabəətsə ha'ə, acii goona ƣii 'waslyakəənə. Amma, maa kə ƣii əndə 'waslyakəənə, tə'i əndə ca kədii ka madəbama gaamə abii Dəsənaamə, waatoo, Yeesu Aləmasiihu əndə goonƣa. ² Ci əŋki ka putə gaamə, kaa Əntanƣə a tifyagi kaamə 'waslyakəənə gaamə. Əntaa wata 'waslyakəənə

1:6 1.6 2.4. **1:7** 1.7 3.5; Isaa. 2.5; Ibər. 9.12; Səniinə 1.5. **1:9** 1.9 Jab. 32.3-5. **2:1** 2.1 Rooma 8.34; Ibər. 7.25.

gaamə, amə daanaamə, amma da i nga patənə nga ənji a duuniya.

³ Maa kə slənətaamə sətə bii Əntanƒə kaamə, ci ca ƒaarii oo'i, kə shii amə tə ci. ⁴ Taa wu patə ca ba oo'i, kə shii ci tə ci, amma maslənətəmə ci də sətə bii ci, majirakə nə tsarə nga əndətsa, pooshi goonƒa ashikii. ⁵ Amma, ma əndətə ca slənətə sətə bii Əntanƒə, ci ca uudə tə Əntanƒə tantanyinə. Də ha'ə caama shii oo'i, ləbə naamə da i ci. ⁶ Taa wu patə ca ba ləbə ka hakii da Əntanƒə nə ci, see a ndzaa ci makə sətə nji Yeesu Aləmasiihu.

Kura wabənə agyanə uudəshinə

⁷ Kadashinyinaakya, əntaa kura wabəətə pooshi unə sha fii cii kya naahə koonə, amma iirə wabənə, waatoo, ətə shi una fii daga ka saa'itə 'watəgyuunə fa wabənə nga Əntanƒə. Ma iirə wabəətsa, kə fagyuunə. ⁸ Patə da ha'ə, ma wabənənə cii kya naahə koonə agyanəkii, tə'i kura uushi agikii. Acii ma wabəətsa, kə nee ənji ka kura kuraanəkii agi ndzaanə nga Yeesu Aləmasiihu da agi ndzaanə goonə, makə wiinə təkunə ka dzəginə, wiinə ƒərənə nga tantanyinə əsə agi ƒərənə.

⁹ Taa wu patə ca ba oo'i, agi ƒa slənə nga camənə nə ci, amma ca kaaree ka ndzəkənuci, ma əndətsa, ma'ə ci agi təkunə ca'ə əndzə'i.

¹⁰ Taa wu patə ca uudə tə ndzəkənuci, agi

2:2 2.2 4.10; Yooh. 1.29. **2:4** 2.4 1.6; 4.6; Yooh. 3.21; 8.44; 16.13. **2:5** 2.5 2.17; 5.3; Yooh. 14.15; 2 Yooh. 6. **2:6** 2.6 Yooh. 13.15; 15.5. **2:7** 2.7-8 4.11; Yooh. 13.34. **2:7** 2.7 2.24; 3.11. **2:8** 2.8 Yooh. 1.9-10; 8.12; Rooma 13.12. **2:9** 2.9 3.10,15; 4.20.

camənə nə ci. Ma ci əsa, pooshi uushi ətə ca kavə əndə ka pu'unə ashikii. ¹¹ Amma, taa wu patə kaaree ka ndzəkəŋuci, agi təkunə nə ci, agikii cii kəya wii, mashiimə ci hatə cii kəya dzə aa dəvə, acii moorəfəkii nə ci acii təkunə.

¹² Manjeevənaaki, ma cii kya naahə koonə wabəəna, acii kə tifyagi Əntənfə koonə 'waslyakəənə goonə putə ŋga ləmə ŋga Aləmasiihu. ¹³ Unə masariina, ma cii kya naahə koonə wabəəna, acii kə shii unə tə Əndətə ndzaanə daga Əntənfə ma'ə matagamə duuniya.

Unə uuji daguyiinə əsa, ma cii kya naahə koonə wabəəna, acii kə jaalii unə agyanə *Seetanə.

¹⁴ 'Ya'ə manjeevənaakya, ma cii kya buurətə koonə wabəətsa, acii kə shii unə tə Əntənfə Dəsənaamə. Unə masariina, ma cii kya buurətə koonə uushi'iitsa, acii kə shii unə tə Əndətə ndzaanə daga Əntənfə ma'ə matagamə duuniya. Unə uuji daguyiina, ma cii kya buurətə koonə uushi'iitsa, acii kə kəŋaanuunə ndihə ndihə agi nə'unə tə Aləmasiihu, tə'i wabəənə ŋga Əntənfə a ədzəmuunə, kə jaalii unə agyanə Seetanə əsə.

¹⁵ Goona uudə *duuniya, goona ka nuunə ka uushi'inə ŋga duuniya əsə. Taa wu ca uudə duuniya, paa ci agi uudənə tə Dəsənaamə ətsa.

¹⁶ Ma sətə ci əŋjə a dā agi duuniya, waatoo, ka dfanə nə tii sətə ca kadeesəkə ka shishinətii, təya moo uushi'inə ŋga duuniya, təya dūunətə natii nə putə ŋga uushi'inə ŋga duuniya ətə aciitii.

2:10 2.10 Jab. 119.165; Rooma 14.13. **2:11** 2.11 Yooh. 12.35-36.

2:12 2.12 Slənə 4.12. **2:13** 2.13-14 1.1-2. **2:15** 2.15 Yak.

Ma ətsə patə, əntaa daga Əntanƒə Dəsənaamə shigi, amma asəkə duuniya. ¹⁷ Duuniyakii əsa, agi uudəginə, da patənə nga uushi'inə ətə ci əndə a moo asəkətə ca uudəgi. Amma, ma əndətə ca slənə sətə mwayi Əntanƒə, tə'i ci da i əpine nga ca'ə ndənjwə ndənjwə.

*Əndə daawaanə nga *Aləmasiihu*

¹⁸ Manjeevənaakya, kədəhə nə duuniya ka uudənə. Kə shi ənjə a bii koonə oo'i, kadə nə Əndə Daawaanə nga Aləmasiihu a shigi. Taa əndzə'i maa, kə shigi ənji daawaanə nga Aləmasiihu lanə. Də ha'ə shii amə oo'i, kədəhə nə duuniya ka uudənə. ¹⁹ Ma ənji daawaatə nga Aləmasiihu, agyaamə nji tii. Amma əntaa ənji gaamə nga gooŋga nji tii. Acii kii dzəgi tii satii. Acii maci ənji gaamə nji tii nga gooŋga, kadə pooshi tii dzəgi agyaamə. Amma dzəginatii agyaamə baarii oo'i, tantanyinə, əntaa ənji gaamə nə tii. ²⁰ Ma unə, kə vii Malaaba Əndə koonə Malaaba Ma'yanə. Də ha'ə əsə shii unə wabənə nga gooŋga, unə patə. ²¹ Ma cii kya naahə koonə, əntaa acii mashiimuunə gooŋgaanəkii, amma kə shii unə. Kə shii unə əsə, pooshi jirakənə ka shiginə agi gooŋgaanə.

²² Makə ha'ə dīya, wu dīi nə majiraka? Əndətə bii oo'i, əntaa Aləmasiihu nə Yeesu, ci nə majiraka. Əndə daawaanə nga Aləmasiihu nə ci. Kə kaaree ci ka Dəsənaamə tii da Uuzənaakii.

²³ Acii taa wu patə kaaree ka Uuzənə nga

2:16 2.16 Waβ. 27.20; Rooma 13.14; Af. 2.3; Yak. 4.16. **2:17** 2.17 Mat. 7.21; 1 Koor. 7.31. **2:18** 2.18 4.3; Mat. 7.15; 2 Yooh. 7. **2:19** 2.19 Slənə 20.30. **2:20** 2.20 2.27. **2:22** 2.22 4.3; 2 Yooh. 7.

Əntanƣfə, paa ci ləbə da Dii əsə. Amma, taa wu patə luuvə oo'i, Uuzənə ƣga Əntanƣfə nə Yeesu, ləbə nə ci da Dii.

²⁴ Ma wabənə ƣga Əntanƣfə ətə cuuna fa 'watəƣinə ka saa'itə waazii ənji koonə ƣga təkəƣwanə, kəsəpaamə asəkə ədzəmuunə. Mada kə kəsəpaa unə uushi'iitə fii unə daga ka 'watəƣinə, ka ndzaanə nuunə ləbə ka hakii da Dəsənaamə da Uuzənaakii taa guci patə. ²⁵ Tə'i sətə bii Yeesu Aləmasiihu ka viinə nə ci kaamə, waatoo, əpinə ƣga ca'ə ndəƣwə ndəƣwə.

²⁶ Ma wabəətsə nyaahə nyi koonə patə, agyanə ənjitə ca dfa gazhi'waanə ƣga ƣsuləƣinə duunə. ²⁷ Amma, ma una, kə vii Aləmasiihu koonə Malaaba Ma'yanə. Makə a ədzəmuunə nə Malaaba Ma'yaatsa, pooshi bahə alə əndə dzəƣunənə koonə ma'ə. Aci Malaaba Ma'yanəkii ca dzəƣunə koonə patənə ƣga uushi'inə. Ma sətə cii kəya dzəƣunə koonə əsa, gooƣga, pooshi jirakənə agikii. Aciikii, ndzaamə ləbə ka hakii da Yeesu makə sətə jigunyi Malaaba Ma'yanə koonə.

²⁸ Ma ənə dƣii manjeevənaakya, ndzaamə ləbə ka hakii da Yeesu Aləmasiihu. Maa kə dƣii unə ha'ə, pooshi ədzəmaamə ka udzənə, pooshi amə ka umbənə aciikii acii ayinə saa'itə nii kəya ənya. ²⁹ Kə shii unə, ma Yeesu Aləmasiihu, əndə gooƣga nə ci. Aci ha'ə, shiimə oo'i, taa wu patə ca slənə də gooƣgaanə, uuzənə ƣga Əntanƣfə nə ci.

2:23 2.23 4.15; 5.1; Yooh. 5.23; 15.23; 2 Yooh. 9. **2:24** 2.24 2.7. **2:25** 2.25 Yooh. 5.24. **2:27** 2.27 Irim. 31.34; Yooh. 14.16; 16.13. **2:28** 2.28 3.21; 4.17; Yooh. 5.22; 15.5. **2:29** 2.29 3.10.

3

Manjeevənə ɳga Əntaɳfə naamə

¹ Una, tsaaməmə makə sətə uu'i Əntaɳfə Dəsənaamə taamə! Ha'ə kə 'wii ci taamə manjeevənaakii. Weewee manjeevənaakii naamə əsə. Ma səndə d̄ii mashiimə əɳji *duuniya taamə oo'i, manjeevənə ɳga Əntaɳfə naamə, acii pooshi tii shii tə Dəsənaamə.

² Kadashinyinaakya, kə uugi amə ndzaanə ka manjeevənaakii, iitə saɳə naama ndzaanə aakəɳwa? Amma, ma sətə shii amə, ma saa'itə nə Aləmasiihu a ənya, ka ndzaanə naamə makə naakii, acii ka neenə naamə ka ci paɳgəraɳə a babara. ³ Taa wu patə ca ka nəkii oo'i, ka d̄anə ha'ə makə ətsa, wa ca ndzaa yadə 'waslyakəənə makə sətə ndzaa Aləmasiihu yadə 'waslyakəənə.

⁴ Taa wu patə ca d̄a 'waslyakəənə, aɳi taɳəɳinə nə ci bariya ɳga Əntaɳfə. Acii taɳəɳi bariya ɳga Əntaɳfə nə d̄a 'waslyakəənə. ⁵ Kə shii unə oo'i, ma shi Yeesu Aləmasiihu, kaa ca ɳgəɳəɳi 'waslyakəənə gaamə. Ma ca, pooshi 'waslyakəənə ashikii. ⁶ Acii ha'ə, ma əndətə ndzaa ləbə ka hakii da ci, paa ci ka d̄aad̄a 'waslyakəənə. Amma, taa wu patə ca d̄aad̄a 'waslyakəənə, mashimə ca nee ka ci, mashiimə ci tə ci əsə.

⁷ Manjeevənaakya, goona kapaa rəɳwa ka əɳjə a ha'utə duunə. Acii see əndətə ca d̄a slənə ɳga goɳɳaanaə nə əndə goɳɳa, makə sətə d̄ii

3:1 3.1 3.10; 4.6; Yooh. 1.12; 3.16. **3:2** 3.2 2 Koor. 3.18; Fil. 3.21. **3:5** 3.5 1.7; 2.2; 4.10; Isaa. 53.9; Yooh. 1.29; 8.46; 2 Koor. 5.21; Ibər. 4.15; 9.14; 1 Piita 1.19; 2.22,24; 3.18. **3:6** 3.6 3.9; 5.18; Yooh. 15.5; Rooma 6.2,14.

Aləmasiihu əndə gooŋga. ⁸ Ma əndətə ca ndzaa ka daada 'waslyakəənə, əndə ŋga Seetanə nə ci. Acii ma Seetanə, kə ndzaa ci ka daada 'waslyakəənə daga 'watəginə ŋga duuniya. Ma shigi *Uuzənə ŋga Əntaŋfə, kaa ca shi ka uulagi slənə ŋga Seetanə.

⁹ Ma əndətə ndzaa ka uuzənə ŋga Əntaŋfə, paa ci ka ndzaanə ka daada 'waslyakəənə, acii tə'i wabənə ŋga əpinə asəkə ədzəməkii. Makə dīi ci Əntaŋfə nə Dii, paa ci da rəgwa ŋga daada 'waslyakəənə. ¹⁰ Wiinə səndə təkəe ka manjeevənə ŋga Əntaŋfə da ŋga Seetanə: ma əndətə pooshi ka slənə uushi ŋga gooŋga, əntaa uuzənə ŋga Əntaŋfə nə ci. Ha'ə əsə nə əndətə pooshi ka uudənə tə ndzəkəŋuci.

Uudəshinə

¹¹ Ma bii nyi ha'ə, acii wiinə sətə fii unə daga ka 'watəginə saa'itə fii unə wabənə ŋga Əntaŋfə, waato tyasə see a uudəshaamə. ¹² Gaama ndzaa makə ŋga Kaa'inu. Ma ca, əndə ŋga *Seetanə nə ci. Kə bələgi ci tə ndzəkəŋuci. Acii mi saŋə bələgi ci tə ca? Acii ma slənə ŋga ndzəkəŋuci, ŋunyikii. Ma naakii slənə əsa, bwayakii.

¹³ Ndzəkəŋushi'inəkya, maɗa bərapaa ənjitə mashiimə tə Əntaŋfə tuunə, ga ca da koonə ka sə ŋga hurəshishinə. ¹⁴ Ma amə kamə, kə shii amə, ma ŋga ŋukə, makə maməətə ənji njaamə. Amma, ma əndzə'i, ənjitə da i kura

3:8 3.8 Mat. 12.26-29; Yooh. 8.44. **3:10** 3.10 2.9,29. **3:11** 3.11 2.7-8; 4.11; Yooh. 13.34. **3:12** 3.12 'Wat. 4.8. **3:13** 3.13 Yooh. 15.18.

əpinə naamə. Kə shii amə ha'ə, acii agi uufəneə naamə tə ndzəkəŋushi'inaamə. Ma əndətə pooshi ka uufəshinə, makə mantə əndə nə ci.

¹⁵ Ma əndətə bərapaa tə ndzəkəŋuci, mbərə mbərə nə ci da mabələ ənda. Kə shii unə, ma mabələ ənda, paa ci da i əpinə ŋga ca'ə ndəŋwə ndəŋwə. ¹⁶ Vəgi əpinə ŋga Yeesu Aləmasiihu ka putə gaamə baarii kaamə makə sətə dəbee ama uufəshi. Ha'ə naamə əsə, see a vəgyaamə əpinə gaamə ka putə ŋga ndzəkəŋushi'inaamə. ¹⁷ Ma əndətə pooshi ka ətee ka sə ŋga ki'i də haaja, ca təkuree ka nəhə təgunuunə ŋga əndətə ətee, iitə sanə banəkii oo'i, tə'i uufəneə ŋga Əntaŋfə asəkə ədzəməkəya?

¹⁸ Manjeevənaakya, makə ha'ə dīi əna, gaama bagi wata də ba maamə tanə oo'i, agi uufəshinə naamə. Amma, ma dānaama, baarii amə uufəshinəkii də slənə gaamə ka əŋja kaa uufəshinəkii a ndzaanə ŋga goŋga. ¹⁹ Madā kə dīi amə ha'ə, dəvə shiinaamə oo'i, əŋji ŋga Əntaŋfə naamə. Ma ca, da goŋga nə ci. Də ha'ə ndzaanaamə də mabanee ma'yanə akəŋwaciikii, ²⁰ taa ŋgahi kə baarii shishinaamə kaamə oo'i, tə'i ma'inə aa haamə. Acii kə palee Əntaŋfə ka ədzəmaamə, kə shii ci sətə caama slənə patə əsə. ²¹ Kadashinyinaakya, madā pooshi shishinaamə vii kaamə ma'inə, ka kəŋaanənə naamə akəŋwacii Əntaŋfə yadə ŋgwalənə. ²² Ma patənə ŋga sətə caama

3:14 3.14 2.11; Yooh. 5.24; 13.35. **3:15** 3.15 Mat. 5.21-22; Səniinə 21.8. **3:16** 3.16 Yooh. 15.13; Gal. 1.4; Fil. 2.17; 1 Tees. 2.8. **3:17** 3.17 Dzək. 15.7. **3:18** 3.18 Yak. 2.15-17. **3:21** 3.21 2.28.

kədii aciikii, ka viinē nē ci kaamē, makē dīi ci agi nē'utēnē naamē wabēnaakii, ama slēnē sētē kadēesəkē ka ci. ²³ Wiinē sēndē bii Əntanjfē kaamē dānē: see a vii amē goonḡa ka Uzənaakii Yeesu Aləmasiihu, ama uufəshi. Ha'ə bii ci kaamē. ²⁴ Ma əndətə ca nē'utə sētə bii Əntanjfə, ləbə nē ci ka hakii da Əntanjfə. Ha'ə nē Əntanjfə əsə, ləbə nē ci ka hakii da ci. Kə vii ci kaamē Malaaba Ma'yanaakii. Ci ca baarii kaamē furəḡə oo'i, ləbə ka hakii daamē nē Əntanjfə.

4

Rəḡwatə ci ənjə a təkēe ka Ma'yanə ḡa Əntanjfə da ḡa əndə daawaanə

¹ Kadashinyinaakya, mada kə fii unə kə bii əndə koonə oo'i, də baawəda ḡa Malaaba Ma'yanə cii kəya wabə, goona luuvə ka ci pii pii. Amma paaratəḡimə ḡa'ə zəku'i, koona shii mada goonḡa cii kəya wabə. Aci tə'i majirakinə ḡa anabiinə lanḡə taa dama patə asəkə duuniya.

² Wiinē makē sētē nuuna mbee ka shiinē oo'i, də baawəda ḡa Malaaba Ma'yanə ci əndə a wabə: mada kə fii unə bii əndə oo'i, əndə shiḡkinə pwayi əḡji tē Yeesu Aləmasiihu, ma əndətəsa, də baawəda ḡa Malaaba Ma'yanə cii kəya wabə. ³ Amma, mada kə kaaree əndə ka luuvənə oo'i, əndə shiḡkinə pwayi əḡji tē Yeesu, ma əndətəsa, paa ci da Malaaba Ma'yanə, amma ma'yanə ḡa əndə daawaanə ḡa Aləmasiihu

3:22 3.22 Yooh. 15.16. **3:23** 3.23 Yooh. 2.23; 13.34. **3:24** 3.24 4.13; Yooh. 14.16; 15.5; Rooma 8.5,9,14. **4:1** 4.1 2.18; Mat. 7.15; 1 Tees. 5.21. **4:2** 4.2 Yooh. 1.14; Rooma 10.9; 1 Koor. 12.3.

nəndə a ədzəməkii. Ma əndə daawaata, kə fi unə oo'i, kadə nii kəya shi. Kə uugi ci mbu'yanə əsə. Waatsə asəkə duuniya əndzə'i.

⁴ Manjeevənaakya, ma unə, manjeevənə nga Əntanƒə nuunə. Kə mbee ngeerənə goonə ka nga majirakiitsa, acii ma Ma'yaatsə a ədzəmuunə, kə palee ka nga ənji-tsə ca nə'u sətə ca kadəesəkə ka *duuniya. ⁵ Ma majirakinə nga anabiitsa, pooshi uushi ci təya wabə anəkii, madaamə anə uushi'inə nga duuniya. Ənji duuniya a luuvə wabənati, acii nga duuniya nə tii. ⁶ Ma amə, manjeevənə nga Əntanƒə naamə. Acii ha'ə, taa wu patə shii tə Əntanƒə, agi fanə nə əndəkii taamə. Ma əndətə əntaa nga Əntanƒə nə ci əsə, paa ci agi fanə taamə. Də ha'ə mbeenaamə ka shii kama kamaanə nga Ma'yanə nga goonga da ma'yanə nga jirakənə.

Agyanə uudəshinə

⁷ Kadashinyinaakya, uudəshaamə, acii daga Əntanƒə nə uudənə ka shinə. Ma əndətə ca uudə ənja, uuzənə nga Əntanƒə nə ci. Kə shii ci tə Əntanƒə əsə. ⁸ Taa wu nə əndə pooshi ka uudəshinə, mashiimə ci tə Əntanƒə. Acii taa mi patə ci Əntanƒə a ɗa, putə nga uudənə. ⁹ Wiinə makə səndə baarii Əntanƒə uudənaakii taamə furəjə: kə sləkee ci ka Uuzənaakii rəjwə dyaŋə aasəkə duuniya, kaama shii upaa əpinə nga ca'ə ndəjwə ndəjwə daciikii. ¹⁰ Wiinə

4:3 4.3 2.18,22. **4:4** 4.4 5.5. **4:5** 4.5 Yooh. 3.31. **4:6** 4.6 2.4; 3.1; Yooh. 8.47; 18.37. **4:8** 4.8 4.16. **4:9** 4.9-10 Yooh. 3.16.

uudfənə ɲga tantanyinə: ma uudfənə ɲga tantanyinə, əntaa tsarə ətə caama uudfə tə Əntanɲfə, amma tsarə ətə uu'i ci taamə, ca sləkee ka Uzənaakii, Uzənaakii a əntəgi kaa Əntanɲfə a tifyagi 'waslyakəənə gaamə daciikii.

¹¹ Kadashinyinaakya, makə kə uu'i Əntanɲfə taamə laɲə, amə maa, uudəshaamə ha'ə.

¹² Pooshi əndə sha nee ka Əntanɲfə. Amma, maa kə uudəshaamə, ləbə ka hakii daamə nə ci. Patənə ɲga uudənaakii əsə, tə'i asəkə ədzəmaamə.

¹³ Kə vii Əntanɲfə kaamə Ma'yanaakii. Də ci shii amə ndilə ndilə oo'i, ləbə ka hakii naamə da Əntanɲfə. Ci boo, ləbə nə ci daamə. ¹⁴ Ma ina, kə nee inə də giniinə, ci ciina waaza ka hara ənji oo'i, kə sləkee Əntanɲfə ka Uzənaakii kaa ca ndzaa ka Maluu ɲga duuniya. ¹⁵ Taa wu patə bagi paɲgəraɲə oo'i, Yeesu nə *Uzənə ɲga Əntanɲfə, ləbə ka hakii nə Əntanɲfə da əndətsa. Ci boo, ləbə nə ci da Əntanɲfə. ¹⁶ Kə shii amə, kə luuvaamə əsə oo'i, kə uu'i Əntanɲfə taamə ka shaɲə.

Taa mi patə ci Əntanɲfə a ɗa, putə ɲga uudfənə. Ma əndətə ca ndzaanə də uudəshinə, ləbə ka hakii nə ci da Əntanɲfə. Əntanɲfə boo, ləbə ka hakii nə ci da ci. ¹⁷ Ci ɓaarii oo'i, tə'i patənə ɲga uudənaakii a ədzəmaamə; də ha'ə naama ndzaanə də mabanee ma'yanə saa'itə nə Əntanɲfə a ɗa gəɲwanə ka ənja, acii makə

4:10 4.10 2.2; 3.5; Roma 5.8,10. **4:11** 4.11 3.11; 4.21; Mat. 5.44-45; 18.33; Yooh. 13.34; 2 Yooh. 5. **4:12** 4.12 2.5; 4.17; Yooh. 1.18. **4:13** 4.13 3.24. **4:14** 4.14 Yooh. 15.27. **4:15** 4.15 2.23. **4:16** 4.16 4.8-10; Yooh. 15.5.

sətə dīi Yeesu, ha'ə naamə asəkə duuniyana.

¹⁸ Pooshi i ngwalənə da uufənə ka ləbənə ka ha rəŋwə. Madə tə'i patənə ŋga uufənə a ədzəmə ənda, ka lakəginə nə ci ngwalənə. See əndətə ca gəra gəŋwanə nə ndzaanə manḡwaləkii. Acii ha'ə, ma manḡwala, pooshi patənə ŋga uufənə a ədzəməkii.

¹⁹ Ma caama uufəshi, acii Əntaŋfə 'watəgi uufənə taamə. ²⁰ Madə kə bii əndə'i əndə oo'i, "Kə uu'i nyi tə Əntaŋfə", amma kə kaaree ci ka ndzəkəŋuci, ma əndətsa, majirakə nə ci. Acii ma əndətə pooshi ka uufənə tə ndzəkəŋuci ətə nee ci də ginəkii, paa ci da rəgwa ŋga uufənə tə Əntaŋfə ətə paa ci nee də ginəkii. ²¹ Wiinə səndə bii ci kaamə dfanə: ma əndətə ca uufə tə Əntaŋfə, wa ca uufə tə ndzəkəŋuci.

5

*Jaalanə gaamə agyanə *duuniya*

¹ Ma əndətə luuvə oo'i, Yeesu nə Aləmasiihu, uuzənə ŋga Əntaŋfə nə əndəkii. Madə kə uu'i əndə tə dii ənda, agi uufənə nə ci tə uuzənaakii əsə. ² Madə agi uufənə naamə tə Əntaŋfə, ama nə'utə sətə cii kəya ba kaamə, də ha'ə caama shii oo'i, agi uufənə naamə tə manjeevənə ŋga Əntaŋfə. ³ Ma uufənə tə Əntaŋfə, ci nə nə'utənə tə sətə bii ci. Mapaleemə sətə bii ci ka ŋgeerənə gaamə də zəkəənə, ⁴ acii taa wu nə uuzənə ŋga Əntaŋfə, ka jaalanə nə ci agyanə duuniya. Ma səndə ca kavə taamə ka jaalanə, ci nə vii

4:17 4.17 2.28; 4.12. **4:20** 4.20 2.9. **4:21** 4.21 4.11; Mat. 22.34-40. **5:1** 5.1 1 Piita 1.22-23. **5:3** 5.3 2.5; Dzək. 30.11; Mat. 11.30.

goonġa gaamə ka Yeesu. ⁵ Ma əndə jaalanə agyanə duuniya, see əndətə vii goonġa oo'i, Yeesu nə *Uuzənə nġa Əntanġə.

*Seedanə agyanə Yeesu *Aləmasiihu*

⁶ Ma Yeesu Aləmasiihu, kə shi ci aasəkə duuniya, ənjə a dfa ka ci bapətisəma də ma'inə, ənjə a bələġi tə ci, idənaakii a əjigi. Əntaa wata dfa ka ci bapətisəma də ma'inə, amma kə bələġi ənji tə ci, idənaakii a əjigi. Malaaba Ma'yanə baarii kaamə ətsə oo'i, ma uushi'iitsa, goonġa. Əndə goonġa nə Malaaba Ma'yanə əsə.

⁷ Makkə nə seedawiinə. ⁸ Waatoo, Malaaba Ma'yanə da ma'inə nġa bapətisəma da idənaakii ətə əjigi ci ka putə gaamə. Ma uushi'iitsə makkə, ka ma rəjwə nə tii patə. ⁹ Madfa bii hara ənji sətə nee tii, agi luuvənə naamə. Sakwa nġa Əntanġə dfii ətə palee wabənaakii ka nġa ənji shiŋkinə də nġeerəna? Ma ca, kə wabi ci agyanə Uuzənaakii əsə. ¹⁰ Ma əndətə vii goonġa ka Uuzənə nġa Əntanġə, tə'i ci da wabətsə a ədzəməkii. Amma, ma əndətə maluuvmə wabənə nġa Əntanġə, kə zhi'wee ci ka Əntanġə ka majiraka, acii maluuvmə ci sətə bii ci agyanə Uuzənaakii. ¹¹ Wiinə wabənə nġa Əntanġə kaamə: kə vii ci kaamə əpinə nġa ha'ə ndəjwə ndəjwə. Ma əpinəkii, daciai Uuzənaakii shi kaamə. ¹² Ma əndətə ləbə da Uuzənə nġa Əntanġə, tə'i ci da əpiitsa. Amma, ma əndətə paa ci ləbə da ci, pooshi ci da əpinəkii.

5:4 5.4 Yooh. 16.33. **5:5** 5.5 4.4; Rooma 8.37. **5:6** 5.6 Yooh. 16.13; 19.34. **5:7** 5.7-9 Yooh. 5.36-37. **5:10** 5.10 Rooma 8.16; Gal. 4.6. **5:11** 5.11 Yooh. 3.16-18. **5:12** 5.12 Yooh. 3.36; 5.24.

Muudine nga wabəne

¹³ Ma unə ənə vii goonga ka Uuzənə nga Əntanƒə, ma cii kya naahə koonə uushi'iitsa, koonə shii oo'i, tə'i unə da əpinə nga ca'ə ndəɲwə ndəɲwə. ¹⁴ Wiinə sətə ca vii kaamə mabanee ma'yanə akəɲwacii Əntanƒə: taa mi kədii amə aciikii, mada ma sətə kədii amə aciikii, kə kadeesəkə ka ci, ka luuvənə nə ci kaamə. ¹⁵ Makə kə shii amə oo'i, taa mi patə kədii amə aciikii, agi luuvənə nə ci kaamə, kə shii amə əsə, agi viinə nə ci kaamə sətə kədii amə aciikii.

¹⁶ Mada kə nee əndə'i əndə ka ndzəkəɲuci ca ɗa 'waslyakəənə, wa ca kədii acii Əntanƒə ka putə nga əndətsa, mada pooshi 'waslyakəənəkii mbu'i bahə təkuree ka upaa əpinə nga ca'ə ndəɲwə ndəɲwə. Ka viinə nə Əntanƒə ka ci əpinəkii. Waatoo, ka əndətə dii 'waslyakəənə ətə pooshi mbu'i bahə təkuree ka upaa əpinə nga ca'ə ndəɲwə ndəɲwə. Amma, tə'i 'waslyakəənə ətə ca kavə əndə ka təkuree ka upaa əpinəkii. Mabamə nyi koonə: ɗamə də'wa agyanə tsarəkii. ¹⁷ Kala məza slənə patə, 'waslyakəənə. Amma, tə'i harii tsarə nga 'waslyakəənə ətə pooshi mbu'i bahə təkuree ka upaa əpinə nga ca'ə ndəɲwə ndəɲwə.

¹⁸ Kə shii amə oo'i, ma əndətə ndzaa ka uuzənə nga Əntanƒə, paa ci ka ndzaanə ka ɗaada 'waslyakəənə, acii agi nəhənə nə Uuzənə

nga Əntaŋfə tə ci. Acii ha'ə pooshi *Seetanə ka ureenə ka ci. *

¹⁹ Kə shii amə oo'i, manjeevənə nga Əntaŋfə naamə. Patənə nga ənjitə mashiimə tə Əntaŋfə, acii Seetanə nə tii.

²⁰ Kə shii amə oo'i, kə shi Uuzənə nga Əntaŋfə, ca vii kaamə haŋkala nga shiinə tə Əntaŋfə Əndə gooŋga. Ma amə, ləbə naamə da ci daciai Uuzənaakii Yeesu Aləmasiihu. Ci nə Əntaŋfə Əndə gooŋga. Daciikii shi əpinə nga ca'ə ndəŋwə ndəŋwə.

²¹ 'Ya'ə manjeevənaakya, goona paslə tə uushi'iitə əntaa Əntaŋfə nga gooŋga.

* **5:18** 5.18 3.6,9-10; Seetanə: Yooh. 17.15; 2 Tees. 3.3. **5:19** 5.19 Yooh. 12.31; Gal. 1.4. **5:20** 5.20 Yooh. 1.14,18; 11.25; 17.3; 20.28.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

56396c70-45d3-5118-be46-8c4c3fec34f1